


ing

49



QUÆSTIO MEDICA,
CARDINALITIIS DISPUTATIONIBUS
MANE DISCUTIENDA
IN SCHOLIS MEDICORUM,



Die Jovis tertiâ Aprilis 1710.

M. NICOLAO. B. DE LA CARLIERE,
DOCTORE, MEDICO REGIS ORDINARIO,
PRÆSIDE.

An Cibi suaviores aliis anteponendi?

I.

QUANTUM ad sanitatem conferat optima ciborum digestio, ex his, qui stomachi laborant imbecillitate, aut impudenti licentiâ utuntur in victu, animadvertitur facillimè; hos namquè videas, opere chyloso omnibus non absoluto numeris, vèl penè consumptos morbis, vèl assiduâ conflictatos malorum catervâ; chyli officina, ventriculus, in quo alimenta convenientèr præparanda reconduntur; fermentescant ne, an ibi terantur, quæstio est Medicorum, qui Erasistrati & Plistonici sequuntur sententias; diaphragmatis, musculorum abdominis, atque membranarum ventriculi repetitis perennitèr ictibus nihil aptius ad trituram; molles alimentorum particulæ humore spiritibus turgido madefcentes; locus continens undiquè clausus; blandus circumjacentium partium calor, ad fermentationem, paratissima; tritura ergò & fermentatio sibi mutuas, in chylosi, operas præstant; tritu ciborum partes commoluntur, commiscuntur accuratiùs, atque in segmenta



abeunt minutissima, non prioribus tamèn orbata figuris; liqueſcunt fermentatione, aliamque induunt formam priſtinæ prorsùs diſſimilem; huic operi præſtantiffimo multùm inſerviunt dentes alimenta pinſentes, ſaliva, & ſtomachalis ſuccus; ſerie reciproca in unum conſpirant, ita ut alterum non poſſit vacillari, quàm nutrent reliqua; hoc naturæ artificio, qui, modò cibus erat, in chylum tranſmutatur; qui, ſi ſubactus ſit, benèque defæcatus, & corpori vigorem præſtat & ſanitatem tuetur.

I I.

UT variam Natura dedit hominibus temperiem; ſic illis diſverſa ſuppeditavit ciborum genera; horum virtutes non ratione ſolâ, non ingenioſis Chymicorum operibus detegere ſatagas, ſed eas maturâ perpendas experienciâ: ea inter edulia ſunt, quæ iſdem ferè ſaporibus & odoribus inſignita longè diſſimiles edunt effectus, dùm ingeſta ſunt in corpus humanum; alia ſunt iſdem reſerta Chymicorum principiis, quæ, ſi devorentur, vèl alimenti, vèl veneni materiem corpori præbent; in principiorum proportionem braſſica capitata ſolano furioſo ſimilior reperitur, quàm ovum ovo; verùm ex illâ nutrimentum; ex hoc venenum; adeò cæcutit vana hominum ſpes, jejunis tantùm ingenii ratiociniis ſuffulta, ut nequeat ferè ulla ægris invenire remedia, ne dùm ſanis convenientem alimoniam: Salubrium ciborum ſanus ſigna quæris? non molitudinis, duritiei, aut ſubſtantix tenuitatis memineris; duriora ſiquidem edulia in ſuccum à nonnullis vertuntur nutritioni aptiſſimum, in quibus ſæpè tenuiſſima mollioraque vèl aceſcunt, vèl corrumpuntur; nec ſis nimium ſollicitus, an in iis acida, an alkalina ſalia præpolleant; inveſtigatio certè curioſa, ſed parùm utilis; ciborum, ut & remediorum virtus, non tantùm ex his, quibus conſtant particulis ſeorsim ſumptis, ſed ex illarum accuratâ mixtione dependet; Illud alimenti genus maximè opportunum, aliisſque præferendum exiſtimabis, quod facile ſit concoctum, nullum excitans tumultum, oris & recipientis ventriculi ſenfui blanditurum; ab eo ritè ſubacto, & ut decet, elaborato corpus ſit maximè robuſtum, & ad motus expeditiſſimum.

I I I.

CIBI in ventriculo promptè, probèque diſſoluti dotes, tenuitas ſunt & ad fluendum aptitudo; has obſervabis dotes in diſſolutionibus chymicis; ubi materies convenientèr reſoluta in tenuiſſimas abit moleculas, ſolventis, quibus innatat, liquoris par-

3
 ticularum motus insequutura; hinc chylus è cibo promptè dissoluto tenuis & fluidus evadit, & ad munera naturæ obeunda paratissimus; neque credas aliquid, ad perfectionem, chylo deesse, cum tenuitate, ac fluiditate gaudet; ipsius est blanda cum sanguine mixtio; fermentatio mitis; secretiones, in quibus stat sanitas, vita perennatur, votis feliciter respondentes: omnia idcirco, quæ chylus patitur, vitia ex ejus substantiæ crassitudine non immerito repetenda sunt; hanc necesse contrahit, si natales debeat cibus ægrè utcunque fermentescentibus, qui & tritum fugiunt, & sufficienti solventis fermenti quantitate minimè saturantur, undè morborum multò pars maxima, quæ vulgò sanguinè adscribitur, plerumquè chylo competit lutulentiori, & in ventriculo perperam fermentato, qui flexuosos canaliculorum plexus subiturus lentus hæret, acescit, partes aut rodendo constringit, aut distendit infarciendo, & permixtus sanguini, in cujus expedito fluxu omnium versatur functionum integritas, tam necessarias liquorum retardat circuitiones, adeò ut fermentationes immodicæ, secretionum impedimenta, totius humanæ machinæ perturbatio; hanc chyli perniciem vitat, qui gravioribus vescitur alimentis, quorum suavitas, dum palato placet, sanitatem servat, vitæ condimentum.

I V.

CIBUS, qui cum voluptate sumitur, faciliori, feliciorique dissolvitur negotio, is verò subigitur ægrè, quem nulla sui dulcedo commendat; voluptas quidè non nomine ipso infamis est, sed fit, modo utendi, vel laudabilis, vel arguenda; enim verò à ratione prorsus esset alienum & indignum nomine Medici, virginibus picæ, malaciavè laborantibus, quæ absurdarum rerum avidissimæ estrices sunt, eas, ut salubres, permittere: harum mens ægrefcit unâ cum corpore; luxuriantis imaginationis ardore, phantasiâ, vel præjudiciis delusæ, in gypsum, carbones, terram effrenatè feruntur, personatâ dulcedine: suavitatis ciborum digestio, dissolutioquè gratissimè promoveretur, non eorum tamèn, qui per se sunt perniciosi, sed quorum substantia, non alioquin prava, conjuncta cum suavitate, eos reddit anteponeudos cibus blandioris nonnunquam succi, naturæ præstantioris; nèc tamèn opineris alimentis uti suavioribus immoderatè licere, sinè detrimento sanitatis; periclitatur hæc oppressa quantitate; nèc cibi suavitas vincere potest, quod intemperantia depravavit, titillante gulâ, & ad

sumendum plùs, quàm decet, provocante, sic si appetitus oblectantis cibi irritamento luxuriat, rationis gubernaculo temperetur; nèc studendum satietati, sed refectioni, quam moderata poscat fames, omnibus coquorum condimentis jucundior.

V.

IN eligendis cibis suus est cuique mos, sua voluptas; non enim uno eodemque cibi genere delectantur homines; illius discriminis causa saliva est indolis diversæ, varia palati & linguæ papillarum conditio, contextus dissimilis: hinc ciborum particulae dentibus contritæ, salivæque dilutæ, diverso sensu, papillas afficiunt, aut quodam oblectamento salium titillatas, aut crispatas fastidio; sic quod sapidum est & magis gratum gustui faciliùs dissolvitur in ventriculo, tum quod fermentum, appetitûs auctor, maximam habet proportionem cum alimentis suaviter sumptis; tum quia, rotâ oris cavitare, gratissimorum eduliorum mulcedine, veluti, palpatâ, glandulæ ibi confitæ salivalis succi abundantiam profundunt, cujus copiosissimè scaturientis proventu alimenta convenienter irrigata, imbuta, priorem patiuntur præparationem, felici postea fermentatione penitus digerenda: præstantissimum hunc perfectionis gradum assequuntur in ventriculo & intestinis, quorum fibræ non injucundo ciborum attractu commotæ, spiritibusque turgescences laticem, quem nuncupant, digestivum emulgent & glandulis futuro chylo permiscendum: hinc robustiori ventriculo factò, fibris rigidioribus, cibis abundantiori, eoque congruo fermento saturatis, tritura & fermentationis opus expedite & feliciter absolvitur.

Ergò cibi suaviores aliis antepponendi.

Proponebat Parisiis ANTONIUS GEOFFROY, Balneolensis, Baccalaureus Medicus. A. R. S. H. 1710.

Typis Viduæ Francisci Muguet Regis & Facultatis Medicinæ Typographi.